

по многим книгам и собирая сладость словесную и разум, и совокупих яко воды морския. А не от своего разума, но от божия промысла сии суть словеса.

XLVII. Да и не [у]же¹ много глаголю. Сия словеса аз, Данил, спихах в заточении на Беле озере и запечатал в воску, и пустих во озеро; и взем рыба и пожре; и ята бысть рыба рыбарем и принесена² бысть ко князю; и нача ея пороти; узре князь сие на[л. 232]писание и повеле Данила свободити от горкаго заточения. Не отметаи безумному прямо безум[и]ю его, да не подобен ему будеши. Уже бо предстани много глаголати. Да не буду яко мех утел, рая богатство убогим; да не уподоблюся жерновом, яко те люди многия насыщают,³ а сами себе не могут насытити; да не возне[на]виден⁴ буду миру со многою беседою, яко ж[е] бо птица учащает пети песни своя, скоро возненавидима бывает. Глаголет бо в мирских притчах: речь продолжена не добро, продолжена паволока.

XLVIII. Господи! Дай ж[е] князю нашему силу⁵ Самсонову, храбрость Александрову, Осифов разум, мудрость Соломоню, кротость Давидову и умножи, господи, вся человеки под руку его. Люте беснующемус[я] дати ножь, а лукавому [л. 232 об.] власть. Паче всего ненавиж[ь] стороника перетерпелива.

¹ у пропущено без отметки в рукописи.

² на над строкой.

³ ас над строкой, между букв.

⁴ Пропуск на в рукописи не отмечен.

⁵ Переправлено из сыну.